

# INUIT ATAQATIGIIT INATSISARTUNI



15. juli 2021

Inatsisartut Suleriaasianni § 37 imm. 1 naapertorlugu Naalakkersuisunut apeqquq imaattoq matumuuna saqqummiuppara.

## **Naalakkersuisunut apeqquq:**

- 1. Napparsimasunik paarsisut Nunatsinni ilinniarsimasut akuersissummik autorisationimik pissarsisinnaanerannut periuitsit allangortinneqarsimanerannut suna tungaviunersoq pillugu Naalakkersuisut qinnuigineqarput ilisimatitseqqullugit.**

(Inatsisartuni ilaasortaq Sofia Geisler, Inuit Ataqatigiit)

## **Tungavilersuut:**

Napparsimasunik paarsisunut Nunatsinni ilinniarsimasunut piumasaqaatit qanoq imaqarnerat takuneqarsinnaavoq uani: [Krav om dokumentation - Styrelsen for Patientsikkerhed \(stps.dk\)](https://www.stps.dk/krav-om-dokumentation).

Nunani Avannarlerni peqqinnissaqarfinni sulisut isumaqatigiissut naapertorlugu akuersissut autorisation Nunatsinnut atuuttoq Qallunaat Nunaanni akuersissummut autorisationimut nuutsinneqarsinnaasimavoq immikkut piumasaqaatitaqanngitsumik. Tamanna maanna allangortinneqarsimavoq Kalaallit Nunaat EU-p avataaniittutut isigineqalerluni, taamaattumillu ingerlaannartumik immikkut piumasaqaatitaqanngitsumik akuersissummik autorisationimik Qallunaat Nunaanni atuuttumut imaasiinnarlugu nuutsinneqarsinnaajunnaarluni.

Taamatut allanguisoqarsimaneranut suna tunuliaqutaanersoq paaserusuppara, aammalu kissaatigalugu paasissallugu allanguineq Nunatsinniit pinaveersaartinniarneqarsimagaluarnersoq. Tassa sulisut Nunani Avannarlerni nunani allani sulisinnaanerminnut killilersorneqaratik periarfissaat eqqarsaatigalugu, minnerunngitsumillu napparsimasunik paarsisutut Nunatsinni ilinniarneq Qallunaat Nunaanni ilinniarnep pitsaaqataatut naleqarmat.

Kissaatigivara apeqquqtikka ullut suliffiusut qulit qaangiutinnginneranni akineqarnissaat.